

III. OUTRAS DISPOSICIÓNS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Resolución do 4 de marzo de 2010, da Secretaría Xeral da Emigración, pola que se convoca e regula para o ano 2010 o programa de axudas para a participación en actividades de campamentos e campos de traballo dirixidos a mozos e mozas de orixe galega ou descendentes de galegos e que residan no exterior.

O Estatuto de autonomía de Galicia establece, no título preliminar, no seu artigo 7, o dereito das comunidades galegas de fóra de Galicia a colaborar e compartir a vida social e cultural do pobo galego.

Á Secretaría Xeral da Emigración, segundo o disposto no Decreto 325/2009, do 18 de xuño, de estrutura orgánica dos órganos superiores dependentes da Presidencia da Xunta de Galicia, é o órgano da Administración da comunidade autónoma a que lle corresponden as competencias en materia de desenvolvemento da Lei 4/1983, do 15 de xuño, de recoñecemento da galeguidade, as relacións coas comunidades galegas no exterior, así como a programación de actividades dirixidas á promoción e difusión da cultura galega e ao recoñecemento da realidade actual de Galicia no exterior.

A Secretaría Xeral da Emigración ten como un dos seus obxectivos promover a participación da colectividade galega no exterior na nosa vida cultural e social, o desenvolvemento de actividades culturais, de accións solidarias e tempo libre dirixidas á mocidade do exterior, así como o fomento da participación dos mozos e mozas descendentes de galegos nos programas e servizos a favor da mocidade.

Para acadar esta finalidade cóntase coa colaboración da Consellería de Traballo e Benestar da Xunta de Galicia a través da súa Dirección Xeral de Xuventude e Voluntariado.

Para a realización de todas estas funcións, a Secretaría Xeral da Emigración conta con distintas liñas de axudas e subvencións baseadas nos principios de publicidade e concorrência, segundo os criterios establecidos na Lei 9/2007, do 13 de xuño, de subvencións de Galicia, con cargo aos fondos públicos.

A disposición adicional segunda do Decreto 325/2009, do 18 de xuño, de estrutura orgánica dos órganos superiores dependentes da presidencia da Xunta de Galicia, desconcentra no secretario xeral da Emigración a competencia para a aprobación das bases, a convocatoria e a resolución das axudas e subvencións do seu respectivo ámbito de competencia.

En virtude do exposto e de conformidade co disposto na Lei 9/2007, do 13 de xuño, de subvencións de Galicia, o Decreto 11/2009, do 29 de xaneiro,

polo que se aproba o Regulamento da Lei 9/2007, na Lei 38/2003, do 17 de novembro, xeral de subvencións, naqueles preceptos que sexan básicos, e na Lei 30/1992, do 26 de novembro, de réxime xurídico das administracións públicas e do procedemento administrativo común, e na normativa que a desenvolve, logo do informe da Asesoría Xurídica e da Intervención Delegada deste órgano,

RESOLVO:

Artigo 1º.-Obxecto.

1. Esta resolución ten por obxecto convocar as axudas correspondentes ao programa de actividades de campamentos e campos de traballo para o ano 2010 que ten por finalidade facilitar á mocidade da Galicia exterior o contacto coa realidade galega e o encontro cos seus familiares e aprobar as bases polas que se rexerá esta convocatoria e que se insiren no anexo I. Esta resolución implica unha subvención en especie consistente no aloxamento nos campamentos ou residencias xuvenís, o traslado desde o seu país de orixe a Galicia e desde Galicia ao seu país de orixe, o traslado dos participantes desde o aeroporto de chegada en Galicia ata o albergue e o traslado dende o campamento ao aeroporto de regreso, segundo o disposto na disposición adicional terceira da Lei 9/2007, do 13 de xuño, de subvencións de Galicia. A concesión destas axudas rexerase polo disposto no artigo 19.2º da Lei 9/2007, do 13 de xuño, de subvencións de Galicia.

Artigo 2º.-Número de prazas convocadas e características.

1. Actividades de campamento: convócanse 336 prazas en campamentos e albergues xuvenís situados en Galicia dependentes da Dirección Xeral de Xuventude e Voluntariado da Consellería de Traballo e Benestar, en dúas quendas no mes de xullo. Estas prazas distribuiranse conforme o establecido no anexo II.

O programa desenvólvese en dúas quendas diferentes con actividades tamén diferenciadas:

a) Na quenda do 1 ao 12 de xullo ten lugar a actividade Galiza: verde e azul, que busca proporcionar aos mozos e mozas de fóra de Galicia un mellor coñecemento da nosa terra; residirán os participantes -con idades comprendidas entre os 14 e os 17 anos- en dúas instalacións: seis días na zona de interior (no Camp. Xuvenil Os Chacotes, Palas de Rei (Lugo) e seis días na zona de costa (no albergue xuvenil de Gandarío-Bergondo (A Coruña), permanecendo en tendas de campaña no primeiro caso e nun albergue, en cuartos compartidos, no segundo.

b) Na segunda quenda, do 17 ao 28 de xullo, teñen lugar as Rotas coñece Galicia, a través dunha actividade de campamento itinerante, residindo os participantes -con idades comprendidas entre os 14 e os 20 anos- en tres instalacións de tipo albergue ou

residencia xuvenil (en cuartos compartidos), cunha permanencia duns 4 días en cada unha delas.

As instalacións están situadas nas distintas provincias galegas: en Lugo, a Residencia Xuvenil Eijo Garay; en Ourense, a R.X. Florentino López Cuevillas; en Vigo (Pontevedra), a R.X. Altamar, e en Bergondo (A Coruña), o Albergue Xuvenil de Gandarío.

Complemento das actividades son as prácticas deportivas variadas acordes coa instalación en que se atopen residindo en cada momento (náuticas, de natureza, distintos deportes e xogos, marcha, praia, etc.).

Igualmente, prográmanse actividades culturais para coñecemento da realidade social de Galicia (charlas, proxeccións, visitas a museos ou zonas de interese cultural, etc.).

2. Campos de traballo: convócanse 40 prazas en campos de traballo situados en distintas localidades da Comunidade Autónoma galega, de acordo co disposto no anexo II, para participantes con idades comprendidas entre os 18 e os 30 anos, en modalidades tales como: arqueoloxía, animación sociocultural, social, ambiental. Trátase de actividades de colaboración desinteresada e voluntaria en traballos diversos na procura dun maior coñecemento da nosa cultura, da mellora ambiental do noso contorno e da recuperación do patrimonio cultural e arquitectónico. Ademais do traballo, ofrécese un programa con actividades de convivencia, de animación, de lecer e tempo libre.

Estas prazas distribuiranse entre todas as solicitudes admitidas, para os países mencionados no anexo III.

3. A Consellería de Traballo e Benestar colaborará na execución deste programa, poñendo á disposición dos beneficiarios dos campamentos e dos campos de traballo todos os servizos de aloxamento e manutención nos albergues xuvenís, campamentos e demais aloxamentos asignados, así como os medios de desprazamento dos beneficiarios dos campamentos dende o aeroporto de chegada a Galicia ata o albergue xuvenil que lles sexa asignado, no caso das actividades de campamento.

4. A Secretaría Xeral da Emigración farase cargo do traslado dos participantes do resto dos países, mediante o financiamento do 100% do custo dos billetes de transporte desde o seu lugar de orixe ata o aeroporto de destino en Galicia, así como os medios de desprazamento dos beneficiarios con retorno inmediato desde a instalación en que finalizan a actividade ata o aeroporto de saída. Para tales efectos a secretaría organizará directamente a prestación destes servixos.

5. Os grupos procedentes daqueles países con máis de 20 participantes viaxarán con acompañantes propostos pola Delegación da Xunta de Galicia en Bos Aires (Arxentina) para Arxentina, pola Delegación da Xunta de Galicia en Montevideo (Uruguai)

para Uruguai e, nos demais países propostos, polas respectivas entidades colaboradoras previstas no artigo 3.2º da convocatoria, coa conformidade dos pais ou titores dos menores.

6. Con carácter previo á realización da viaxe a Galicia, os mozos e mozas seleccionados asistirán ás sesións informativas que se realicen nos seus países de orixe, especificamente encamiñadas ao coñecemento da realidade galega en xeral e da actividade de campamento en particular. Tamén serán informados das súas obrigas respecto do cumprimento do réxime interno dos campamentos ou albergues en que serán aloxados.

Artigo 3º.-Lugar, prazo de presentación de solicitudes e prazo de resolución.

1. As solicitudes presentaranse, xunto co resto da documentación, na Secretaría Xeral da Emigración, na Delegación da Xunta de Galicia en Bos Aires, na Delegación da Xunta de Galicia en Montevideo, ou en calquera dos lugares previstos no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común. Poderán presentarse nas consellerías de Traballo e Asuntos Sociais, nas seccións de Traballo e Asuntos Sociais das oficinas consulares, así como nos consulados ou seccións consulares das embaixadas correspondentes ao domicilio ou residencia do solicitante.

2. Para a presentación destas solicitudes os interesados poderán utilizar o Rexistro Telemático da Xunta de Galicia, de conformidade co Decreto 164/2005, do 16 de xuño, polo que se regulan e determinan as oficinas de rexistro propias ou concertadas da Administración da Comunidade Autónoma de Galicia, se procede á creación do Rexistro Telemático da Xunta de Galicia e se regula a atención ao cidadán.

Os interesados que así o desexen poderán dirixirse ás entidades colaboradoras que se sinalan a continuación, para a presentación telemática das súas solicitudes:

* En Brasil:

-Peña Galega da Casa de España (Río de Janeiro).

-Real Sociedade Española de Beneficencia (Salvador-Bahía).

-Sociedade Hispano Brasileira de Socorros Mutuos e Instrução (São Paulo).

-Sociedade de Socorros Mutuos e Beneficente Rosalía de Castro (Santos).

* En Venezuela:

-Hermandad Gallega de Venezuela (Caracas).

* En Cuba:

-Federación de Sociedades Galegas en Cuba.

A utilización desta vía requirirá unha autorización que o interesado lle outorga á persoa responsable da entidade colaboradora para que remita a súa solicitude por vía telemática. Esa autorización farase constar no modelo de solicitude.

3. As entidades galegas remitiranlle todas as solicitudes recibidas, xunto co resto da documentación, á Secretaría Xeral da Emigración nos catro días seguintes á data de remate do prazo de presentación de solicitudes. Este prazo só será ampliado logo de autorización da secretaría xeral.

4. O prazo de presentación de solicitudes será dun mes contado desde o día seguinte ao da data da publicación desta resolución no *Diario Oficial de Galicia*.

5. Prazo de resolución.

Unha vez presentadas as solicitudes, estas serán tramitadas e valoradas de acordo co procedemento establecido nas bases reguladoras. O prazo máximo para resolver será de tres meses contados desde o día seguinte ao da finalización do prazo de presentación da solicitude. Transcorrido o dito prazo sen que se ditasen as resolucións expresas, poderán entenderse desestimadas as solicitudes, de acordo co establecido nos artigo 23.4º da Lei 9/2007, do 13 de xuño, de subvencións de Galicia, agás o disposto no punto dous do artigo catro das bases reguladoras.

Artigo 4º.-Financiamento.

Trátase de axudas en especie e, consecuentemente, non supoñen contabilización de gasto. Os servizos que se prestan aos participantes nesta convocatoria serán obxecto de licitación, de acordo coa Lei 30/2007, do 30 de outubro, de contratos do sector público e con cargo á aplicación orzamentaria 04.50.312C.226.07.-Actuacións derivadas da Lei de galeguidade, dos orzamentos xerais da Comunidade Autónoma de Galicia para o 2010, nen que existe crédito adecuado e suficiente, cun importe máximo de 410.000 €.

O importe máximo previsto nesta convocatoria poderá incrementarse con base nos supostos previstos na normativa de subvencións.

Artigo 5º.-Desenvolvemento e aplicación.

O secretario xeral da Emigración poderá ditar todas as resolucións que sexan precisas para o desenvolvemento e a aplicación desta convocatoria e das súas bases reguladoras.

Artigo 6º.-Réxime de recursos.

Contra esta resolución cabe interpoñer potestativamente recurso de reposición ante o mesmo órgano que a ditou, no prazo dun mes contado a partir do día seguinte ao da súa publicación no *Diario Oficial de Galicia*.

Así mesmo, poderá interpoñerse recurso contencioso-administrativo ante o Tribunal Superior de Xustiza de Galicia, no prazo de dous meses contados

a partir do día seguinte ao da publicación, de acordo co establecido na Lei 29/1998, do 13 de xullo, da xurisdición contencioso-administrativa.

Santiago de Compostela, 4 de marzo de 2010.

J. Santiago Camba Bouzas
Secretario xeral da Emigración

ANEXO I Bases reguladoras

Artigo 1º.-Obxecto.

Esta resolución ten por obxecto convocar as axudas correspondentes ao programa de actividades de campamentos e campos de traballo para o ano 2010, que ten por finalidade facilitar á mocidade da Galicia Exterior o contacto coa realidade galega e o encontro cos seus familiares. As axudas reguladas nestas bases terán a consideración de axudas en especie segundo a disposición adicional terceira da Lei 9/2007, do 13 de xuño, de subvencións de Galicia.

Artigo 2º.-Beneficiarios.

Poderán ser beneficiarios deste programa os mozos e mozas que cumpran os seguintes requisitos:

- a) Ter residencia habitual fóra de Galicia.
- b) Ter nacido en Galicia ou ser descendente de galego ata o segundo grao de consanguinidade.
- c) Ter nacionalidade española.
- d) Atoparse vinculado con calquera concello galego no censo electoral de residentes ausentes, para aqueles solicitantes que teñan 18 ou máis anos á data de finalización do prazo de presentación de solicitudes.
- e) Ter unha idade entre 14 e 20 anos, o 30 de xuño do ano da convocatoria, para os participantes en actividades de campamento.
- f) Ter unha idade entre 18 e 30 anos, o 30 de xuño do ano da convocatoria, para os participantes en campos de traballo.
- g) No caso dos solicitantes de actividades de campamentos, non ter participado en edicións anteriores nesta modalidade.

h) No caso de solicitantes en campos de traballo, non ter participado en edicións anteriores na modalidade de campos de traballo.

i) Non contar a unidade económica familiar con ingresos superiores, en renda per cápita, a 2.5 veces o salario mínimo interprofesional ou equivalente, de referencia para o ano da convocatoria, do país de residencia do solicitante, agás os solicitantes residentes en Cuba, en que os ingresos non poderán ser superiores á prestación económica por anciandade establecida polo Estado español para o ano da convocatoria.

Artigo 3º.-Solicitudes e documentación.

1. Os solicitantes deberán presentar, no prazo indicado na convocatoria anual correspondente, solicitude conforme o modelo oficial que figura como anexo A desta resolución, optando unicamente por unha das modalidades (campamentos ou campos de traballo), acompañado da seguinte documentación:

a) Fotocopia do pasaporte ou DNI do solicitante: os solicitantes que estean en posesión de DNI poderán prestar o seu consentimento expreso para que a Secretaría Xeral da Emigración comprobe por medio de acceso telemático a verificación dos seus datos de identidade, segundo o modelo que conste na propia solicitude. Para o caso de que non presten este consentimento deberán presentar fotocopia DNI e aqueles solicitantes que non estean en posesión de DNI deberán presentar fotocopia do pasaporte.

b) Documentación acreditativa do nacemento en Galicia ou ascendencia galega ata o segundo grao de consanguinidade que inclúa documentación acreditativa do parentesco cando proceda.

c) Unha fotografía tamaño carné.

d) Certificación consular do solicitante, para acreditar a nacionalidade española e a inscrición no Rexistro de Matrícula como residentes, se estes extremos non quedan debidamente acreditados polo pasaporte.

e) Certificación ou xustificante acreditativo dos ingresos brutos, rendas ou pensión de calquera natureza que perciba o interesado e/ou membros da unidade económica familiar (ata o segundo grao de consanguinidade ou afinidade). No caso de imposibilidade de presentar esta documentación, poderá constituír documentación suficiente unha declaración xurada responsable (modelo no anexo C). Para estes efectos, entenderase por unidade económica familiar cando o beneficiario conviva con outra persoa unida a el por matrimonio, por unión de feito, ou por lazos de parentesco de consanguinidade ou afinidade ata o segundo grao.

f) Certificado médico conforme o modelo oficial que figura como anexo D, de non padecer enfermidade infecto-contaxiosa e de ser apto para participar, con normalidade, en actividades recreativas e deportivas.

g) Declaración do beneficiario do conxunto de todas as axudas solicitadas ou concedidas por outras administracións para a mesma actividade. A obtención desta axuda é compatible con outras para o mesmo fin, sen que en ningún caso a suma das axudas obtidas supere o 100% do custo da actividade.

Os solicitantes que foron admitidos a sorteo no último ano da convocatoria non terán que presentar a documentación das alíneas a), b) e d).

2. Os solicitantes deberán achegar debidamente cuberto o anexo B desta resolución, no cal debe figurar:

a) Preferencia para o regreso en función da quincena en que vai participar.

b) Autorización para viaxar sos, asinada polos pais ou titores legais, para os menores de idade.

c) Unha autorización asinada polos pais ou titores legais para os participantes menores de idade que desexen quedar coa súa familia en Galicia ao rematar a actividade, indicando os datos dos familiares responsables que se farán cargo destes menores de idade.

Artigo 4º.-Instrución do procedemento e réxime de concesión.

1. A ordenación e instrución do procedemento correspóndelle á Subdirección Xeral de Programas Sociais.

2. Expirado o prazo de presentación de solicitudes e comprobado que as solicitudes reúnen os requisitos establecidos de conformidade coas bases anteriores, elaboraranse listas provisionais de admitidos e excluídos por países, sinalando as causas de exclusión. Estas listas serán publicadas no prazo máximo de 40 días desde o remate do prazo de presentación de solicitudes, na páxina web da Secretaría Xeral da Emigración (<http://www.galiciaaberta.com>), e tamén estarán expostas nos taboleiros de anuncios das entidades colaboradoras citadas no artigo 3.2'.

3. Os interesados disporán dun prazo de dez días hábiles dende o día seguinte ao da publicación na páxina web da Secretaría Xeral da Emigración das listas provisionais (<http://www.galiciaaberta.com>) para formular as alegacións que consideren oportunas e para emendar a solicitude. Transcorrido ese prazo sen que se emenden as causas de exclusión, considerarase que desiste da súa petición, e procederase ao arquivo nos termos establecidos no artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común.

4. Transcorrido este prazo elaboraranse as listas definitivas de admitidos e excluídos, que se publicarán na páxina web da Secretaría Xeral da Emigración (<http://www.galiciaaberta.com>) e tamén estarán expostas nos taboleiros de anuncios das entidades colaboradoras citadas no artigo 3.2'.

5. Nas actividades de campamento, elaborada a relación de admitidos e excluídos, e no caso de que o número de admitidos fose superior ao de prazas convocadas, a selección final de beneficiarios realizarase por sorteo público, axustándose o número de prazas ofertadas para cada país.

As prazas que queden vacantes á vista da relación do punto anterior, distribuiranse proporcionalmente entre aqueles países que teñan un maior número de solicitudes admitidas en relación coas prazas ofertadas, e no correspondente tramo de idade, ata un máximo dun 25% do total das prazas.

6. Os participantes en campos de traballo da última convocatoria non poderán solicitar actividades

de campamentos, e quedarán automaticamente excluídos se as solicitasen.

7. No caso dos campos de traballo terán preferencia na selección aqueles solicitantes que non participasen anteriormente en actividades de campamento. Se o número de solicitudes admitidas que cumpren esta condición (non ter participado) fose inferior ao número de prazas convocadas, serán seleccionados sen necesidade de sorteo público, procederase a sortear as prazas restantes entre aqueles solicitantes admitidos que xa participaran nas actividades de campamentos.

No caso de que o número de solicitudes admitidas que non participasen con anterioridade en actividades de campamentos sexa superior ao número de prazas convocadas, será necesario o sorteo para proceder á súa selección.

As prazas de campos de traballo adxudicadas aos beneficiarios farase por orde de publicación no anexo III da resolución, tendo en conta a quenda e o tramo de idade.

8. En ambos os dous casos, os non seleccionados no sorteo pasarán a unha lista de reservas e pola orde resultante do sorteo, e poderán substituír a aqueles seleccionados que renuncien á praza, nas condicións que determine a Secretaría Xeral da Emigración, para non prexudicar o normal desenvolvemento do programa.

9. Aqueles solicitantes que foron seleccionados no ano anterior ao da convocatoria para o programa de actividades de campamentos e campos de traballo e que non chegaron a viaxar sen xustificar previamente a súa ausencia, considerárase como se participasen na última convocatoria.

10. Unha vez realizada a selección de beneficiarios, o secretario xeral da Emigración ditará as resolucións oportunas e publicarase na páxina web www.galiciaaberta.com a relación de beneficiarios.

11. O prazo máximo para resolver será de seis meses, que comezará a contar desde a data de publicación desta resolución no *Diario Oficial de Galicia*. Transcorrido o dito prazo sen que se ditasen as resolucións expresas poderán entenderse desestimadas as solicitudes, de acordo co establecido no artigo 23.5º da Lei 9/2007, de subvencións de Galicia.

12. As resolucións que se diten neste procedemento esgotan a vía administrativa, e contra elas cabe interpoñer potestativamente recurso de reposición ante o mesmo órgano que as ditou, no prazo dun mes contado a partir do día seguinte ao da publicación no caso de resolucións expresas, ou no prazo de tres meses contados a partir do día seguinte a aquel en que se entenda producido o acto presunto, de acordo co disposto na Lei 30/1992, do 26 de novembro, de réxime xurídico das administracións públicas e do procedemento administrativo común.

Así mesmo, poderán interpoñer recurso contencioso-administrativo ante o Tribunal Superior de Xustiza de Galicia, no prazo de dous meses contados a partir do día seguinte ao da publicación, de acordo co establecido na Lei 29/1998, do 13 de xullo, da xurisdición contencioso-administrativa.

Artigo 5º.-*Obrigas dos beneficiarios.*

1. Con carácter xeral, os adxudicatarios das prazas convocadas por esta resolución quedan obrigados a someterse aos requisitos legais e regulamentarios que recolla a normativa xeral de aplicación ás axudas e subvencións da Xunta de Galicia, en concreto ás recollidas na Lei 9/2007, do 13 de xullo, de subvencións de Galicia e no Decreto 11/2009, do 8 de xaneiro, polo que se aproba o regulamento que a desenvolve, coas peculiaridades establecidas na disposición adicional terceira da Lei 9/2007, do 13 de xullo, de subvencións de Galicia e no artigo 3 do Decreto 11/2009, do 8 de xaneiro, polo que se aproba o regulamento que a desenvolve.

2. Os adxudicatarios das prazas quedan obrigados a respectar as normas de réxime interior dos campamentos e albergues.

3. No caso de baixa ou renuncia o programa, os beneficiarios deberán comunicar por escrito á Secretaría Xeral da Emigración, cunha antelación de 15 días antes da viaxe, a causa da renuncia. No caso de que non comunicaran a súa baixa ou renuncia con antelación á viaxe, poderán ser penalizados con non ser beneficiarios de edicións futuras do programa.

4. Os solicitantes deberán cubrir a epígrafe de declaración do conxunto de todas as solicitudes efectuadas ou concedidas para a mesma actividade, de acordo co modelo que figura na solicitude.

5. Os solicitantes prestan o seu consentimento para incluír e facer públicos, no Rexistro Público de Axudas, Subvencións e Convenios e no Rexistro Público de Sancións, creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, os datos relevantes referidos ás axudas e subvencións recibidas, así como as sancións impostas.

Os datos referidos integrarán un ficheiro do cal será responsable a Consellería de Facenda, ante quen se poderán exercer os dereitos de acceso, rectificación, cancelación e oposición.

Salvo nos casos sinalados no artigo 9.4º do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, a non autorización da obtención de datos ou a súa publicidade poderá dar lugar á exclusión do proceso de participación para obter a axuda ou sub-

vención ou, se procede, ao reintegro do importe concedido.

6. De conformidade co artigo 13.4º da Lei 4/2006, do 30 de xuño, de transparencia e boas prácticas na Administración pública galega, a Secretaría Xeral da Emigración publicará na súa páxina web www.galiciaaberta.com a relación de beneficiarios e o importe das axudas concedidas, polo que a presentación da solicitude comporta a autorización para o tratamento necesario de datos dos beneficiarios e da súa publicación na páxina web www.galiciaaberta.com.

Artigo 6º.-Concorrenia de axudas, seguimento, modificación da resolución.

1. As axudas outorgadas ao abeiro desta convocatoria son compatibles con calquera outra axuda que lle puidese ser concedida para a mesma finalidade. Non obstante, o importe da axuda en ningún caso poderá superar, illadamente ou en concorrencia con subvencións doutras administracións públicas ou doutros entes públicos ou privados, nacionais ou internacionais, o custo da acción que vai levar a cabo o beneficiario.

2. A Secretaría Xeral da Emigración levará a cabo a función de control, avaliación e seguimento das axudas concedidas ao abeiro desta resolución. Para realizar as devanditas funcións poderán utilizarse cantos medios estean á disposición da Secretaría Xeral da Emigración para comprobar os requisitos exixidos nas bases e na correspondente convocatoria anual e demais normas vixentes que resulten de aplicación, para o cal os beneficiarios das axudas reguladas nesta resolución prestarán toda a colaboración que lles sexa requirida.

3. Os beneficiarios quedan obrigados a comunicarlle á Secretaría Xeral da Emigración, no momento en que se produza, calquera alteración dos requisitos exixidos na convocatoria ou de circunstancias sobrevidas, e a secretaria xeral poderá adoptar a resolución de modificación ou revogación da concesión que corresponda.

Así mesmo, estarán na obriga de prestar colaboración e facilitar canta documentación lles sexa requirida no exercicio das funcións de control que lle corresponden á Intervención Xeral da Comunidade Autónoma, así como ao Consello de Contas e Tribunal de Contas, no exercicio da súa función de fiscalización e control do destino destas axudas.

4. Procederá o reintegro total ou parcial das cantidades percibidas e a exixencia do xuro de mora, nos casos e nos termos previstos no artigo 33º da Lei 9/2007, do 13 de xullo, de subvencións de Galicia.

5. O secretario xeral da Emigración poderá ditar todas as resolucións que sexan necesarias para o

desenvolvemento e aplicación desta convocatoria e das súas bases reguladoras.

Artigo 7º.-Recursos.

Contra esta resolución cabe interpoñer potestativamente recurso de reposición ante o mesmo órgano que a ditou, no prazo dun mes contado a partir do día seguinte ao da súa publicación no *Diario Oficial de Galicia*.

Así mesmo, poderá interpoñerse recurso contencioso-administrativo ante o Tribunal Superior de Xustiza de Galicia, no prazo de dous meses contados a partir do día seguinte ao da súa publicación, de acordo co establecido na Lei 29/1998, do 13 de xullo, da xurisdición contencioso-administrativa.

ANEXO II

A asignación do número de prazas en actividades de campamento queda fixada para o ano 2010 do seguinte xeito:

País	14-17 anos		18-20 anos	Total
	1-12 xullo	17-28 xullo	17-28 xullo	
Arxentina	32	41	71	144
Brasil	0	15	14	29
Cuba	0	0	6	6
Uruguai	30	21	23	74
Venezuela	21	20	14	55
Resto de América	12	8	4	24
Europa e España	2	2	0	4
Total xeral	97	107	132	336

ANEXO III

Asignación das prazas en campos de traballo:

Instalación	Modalidade	Data	Idade	Prazas
Campo de traballo Rois (A Coruña)	Arqueoloxía	16-30 xullo 2010	18-24	5
Campo de traballo Fisterra (A Coruña)	Animac. sociocult.	2-16 agosto 2010	25-30	5
Campo de traballo Palas de Rei I (Lugo)	Animac. sociocult.	17-28 xullo 2010	18-24	5
Campo de traballo Palas de Rei II (Lugo)	Animac. sociocult.	2-13 agosto 2010	18-28	5
Campo de traballo en Ourense	Social	2-16 agosto 2010	18-24	5
Campo de traballo Illas Cíes I-Vigo (Pontevedra)	Ambiental	2-13 xullo 2010	18-24	5
Campo de traballo Illas Cíes II-Vigo (Pontevedra)	Ambiental	16-27 xullo 2010	25-30	5
Campo de traballo Illas Cíes III-Vigo (Pontevedra)	Ambiental	2-13 agosto 2010	18-24	5

A repartición das prazas de campos de traballo por países e tramos de idade será a seguinte:

País	18-24 anos	25-30 anos	Prazas totais
Arxentina	7	4	11
Brasil	4	2	6
Cuba	3	1	4
Uruguai	6	2	8
Venezuela	4	1	5
Resto América	6	0	6



FOTO

PROCEDEMENTO	CÓDIGO DO PROCEDEMENTO	DOCUMENTO
<i>ACTIVIDADES DE CAMPAMENTO E CAMPOS DE TRABALLO</i>	<i>PR930A</i>	<i>SOLICITUDE</i>

MODALIDADE SOLICITADA:	☐ ACTIVIDADES DE CAMPAMENTO	☐ CAMPOS DE TRABAJO
------------------------	--	--

APELIDOS		NOME		Nº DO DNI OU PASAPORTE	
DATA DE NACIMENTO	LUGAR DE NACIMENTO	NACIONALIDADE		G. SANGÜÍNEO	SABE NADAR
					☐ SI ☐ NON
ENDEREZO (RÚA E NÚMERO)			CIDADE	CÓDIGO POSTAL	
PAÍS DE RESIDENCIA	TELÉFONO	CORREO ELECTRÓNICO			IDADE A 30/06/2018
¿NECESITA ALGÚN TRATAMENTO?					
¿PADECE ALGUNHA ALERXIA?					
DETALLE VACINAS QUE LLE FORON ADMINISTRADAS					
INTOLERANCIAS ALIMENTICIAS					

DATOS DO CABEZA DE FAMILIA (APELIDOS E NOME)			
NOME DO PAI		NOME DA NAI	
TOTAL MEMBROS DA UNIDADE FAMILIAR		INGRESOS ANUAIS DA FAMILIA EN MOEDA DO PAÍS	
ASCENDENCIA GALEGA	1. OS DOUS PAIS ☐	3. O AVÓ PATERNO ☐	5. A AVOA PATERNA ☐
	2. UN DOS PAIS ☐	4. O AVÓ MATERNO ☐	6. A AVOA MATERNA ☐

[illegible]

FAMILIARES MÁIS PRÓXIMOS EN GALICIA

APELIDOS	NOME	PARENTESCO	ENDEREZO	TELÉFONO

☐ Autorizo a Secretaría Xeral da Emigración, de conformidade co artigo 2 do Decreto 255/2008, do 23 de outubro, e a orde da Consellería de Presidencia, Administracións Públicas e Xustiza, do 7 de xullo de 2009, que o desenvolve, para a consulta dos meus datos de identidade no Sistema de Verificación de Datos de Identidade do Ministerio de Administracións Públicas.

Asdo. o solicitante ou representante:

O/A solicitante autoriza a persoa habilitada para o efecto, do centro coordinador sinalado a continuación, segundo área de residencia, para presentar esta solicitude a través do **Rexistro Telemático da Xunta de Galicia**:

En Brasil:

- ☐ Peña Gallega de Casa de España (Río de Janeiro)
- ☐ Real Sociedad Española de Beneficiencia (Salvador-Bahía)
- ☐ Sociedade Hispano Brasileira de Socorros Mutos e Instrução (São Paulo)
- ☐ Sociedade de Socorros Mutuos e Beneficente Rosalia de Castro (Santos)

En Cuba:

- ☐ Federación de Sociedades Galegas (Cuba)

En Venezuela:

- ☐ Hermandad Gallega de Venezuela (Caracas)

DECLARACIÓN DO BENEFICIARIO DO CONXUNTO DE TODAS AS SOLICITUDES EFECTUADAS OU CONCEDIDAS PARA A MESMA ACTIVIDADE

Quen abaixo asina declara que, nas datas e polos importes que a seguir se relacionan, presentou solicitude/s e foille/fóronlle concedida/s, se é o caso, a/s seguinte/s axudas para o mesmo fin:

DENOMINACIÓN DO ORGANISMO OU ENTIDADE PÚBLICA A QUE LLE FOI SOLICITADA A AXUDA	DATA DE		IMPORTE (EN €)	
	SOLICITUDE	CONCESIÓN ⁽¹⁾	SOLICITADO	CONCESIÓN ⁽²⁾

⁽¹⁾ No caso de estar pendente a resolución dalgunha solicitude, indicárase "PENDENTE" nesta columna

⁽²⁾ Nas solicitudes denegadas fírase constar "0" nesta columna

No caso de non ter realizada solicitude de axuda para o mesmo fin, marcarase o seguinte recadro E ASINARÁ ESTA PÁXINA O/A BENEFICIARIO/A DA SOLICITUDE OU A PERSOA QUE O/A REPRESENTA

- ☐ O/A RESPONSABLE DA SOLICITUDE NON TEN SOLICITADA NIN, EN CONSECUCENCIA, CONCEDIDA AXUDA NINGUNHA PARA A MESMA FINALIDADE POR NINGUNHA DAS ADMINISTRACIÓNS PÚBLICAS COMPETENTES

Quen abaixo asina DECLARA QUE: presta expresamente o seu consentimento para que, de acordo co establecido nos apartados 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública e no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, publique as subvencións concedidas ao abeiro desta orde no *Diario Oficial de Galicia*, na súa páxina web oficial e nos rexistros públicos referidos, con expresión da entidade beneficiaria, a contía e a súa finalidade, na forma que determine o órgano competente.

AUTORIZACIÓN

COMO RESPONSABLE O

CONFIRMAMOS A AUTENTICIDADE DOS DATOS DESTA

SOLICITUDE.

SINATURA DO PAI

SINATURA DA NAI

DECLARO SEREN CERTOS TODOS OS DATOS MENCIONADOS NESTA SOLICITUDE

_____, de _____ de 2010

Asinado:

Nome e apelidos do solicitante ou persoa que o representa

Secretario xeral da Emigración

**XUNTA DE GALICIA**

PRESIDENCIA

Secretaría Xeral da Emigración

ANEXO B/2010

DATOS DO SOLICITANTE NOME E APELIDOS	DATOS DO PAI OU TITOR LEGAL NOME E APELIDOS	DATOS DA NAI OU TITORA LEGAL NOME E APELIDOS

QUENDA DE PREFERENCIA PARA VIAXAR: (a preferencia non quere decir que sexa seleccionado para esa quenda. Só consignarán os solicitantes de actividades de campamentos)

☐ 1ª quincena de xullo

☐ 2ª quincena de xullo

NO CASO DE NON SER SELECCIONADO NA QUENDA SOLICITADA, ESTARÍA DISPOSTO A VIAXAR NOUTRA QUENDA:

☐ SI ☐ NON

PREFERENCIA PARA O REGRESO (SINALAR UNHA OPCIÓN EN CADA QUENDA):

NO CASO DE PARTICIPAR NA PRIMEIRA QUINCENA DE XULLO (actividades de campamentos e campos traballo) ☐ 1.- O solicitante debe regresar necesariamente ao rematar a actividade . ☐ 2.- O solicitante desexa quedar unha quincena coa súa familia en Galicia logo de rematar a actividade. ☐ 3.- O solicitante desexa quedar un mes coa súa familia en Galicia logo de rematar a actividade.	NO CASO DE PARTICIPAR NA SEGUNDA QUINCENA DE XULLO (actividades de campamentos e campos traballo) ☐ 1.- O solicitante debe regresar necesariamente ao rematar a actividade . ☐ 2.- O solicitante desexa quedar unha quincena coa súa familia en Galicia logo de rematar a actividade. ☐ 3.- O solicitante desexa quedar un mes coa súa familia en Galicia logo de rematar a actividade.
NO CASO DE PARTICIPAR NA PRIMEIRA QUINCENA DE AGOSTO (só campos de traballo) ☐ 1.- O solicitante debe regresar necesariamente ao rematar a actividade . ☐ 2.- O solicitante desexa quedar unha quincena coa súa familia en Galicia logo de rematar a actividade. ☐ 3.- O solicitante desexa quedar un mes coa súa familia en Galicia logo de rematar a actividade.	

AUTORIZACIÓNS PARA CUBRIR PARA TODO SOLICITANTE MENOR DE IDADE:

COMO RESPONSABLE/S - REPRESENTANTES LEGAIS - DO NOSO/A FILLO/A, DAMOS A NOSA AUTORIZACIÓN PARA VIAXAR SÓ/A A GALICIA E PARA A SÚA ASISTENCIA Á ACTIVIDADE DE CAMPAMENTO SOLICITADA, DO PROGRAMA DA SECRETARÍA XERAL DE EMIGRACIÓN. _____, de _____ de 2010	
SINATURA DO PAI OU TITOR	SINATURA DA NAI OU TITORA

AUTORIZACIÓNS PARA QUEDAR COA SÚA FAMILIA UNHA VEZ REMATADO O PROGRAMA

COMO REPRESENTANTES LEGAIS DE NOSO/A FILLO/A MENOR DE IDADE, AUTORIZÁMOLO/A PARA QUEDAR COA NOSA FAMILIA EN GALICIA UNHA VEZ REMATADO O PROGRAMA. AUTORIZAMOS A/S PERSOA/S QUE A CONTINUACIÓN SE RELACIONAN PARA QUE, AO REMATAR O PROGRAMA, O RECOLLAN DA INSTALACIÓN FINAL QUE LLE PUIDESE CORRESPONDER. ACEPTAN AS CONDICIÓN DE PARTICIPACIÓN EXPOSTAS NA CIRCULAR INFORMATIVA DO PROGRAMA DO ANO 2010, E ASÍ MESMO AS RESPONSABILIDADES XUNTO COA NOSA FAMILIA EN GALICIA REFERIDAS Á ESTADÍA E REGRESO DE NOSO/A FILLO/A UNHA VEZ REMATADA A ESTADÍA NAS INSTALACIÓNS DOS CAMPAMENTOS.					
NOME E APELIDOS	PARENTESCO	ENDEREZO	LOCALIDADE	PROVINCIA	TELÉFONO
_____, de _____ de 2010					
SINATURA DO PAI OU TITOR			SINATURA DA NAI OU TITORA		

ANEXO C

DECLARACIÓN XURADA RESPONSABLE (artigo 3.1º.e)

Declaro baixo xuramento que os ingresos, rendas ou pensións de calquera natureza que perciben anualmente os integrantes da unidade económica familiar (o/a beneficiario/a, os pais, os avós, os irmáns e cuñados) en que convive (nome do solicitante do campamento ou de campo de traballo)

son os que a seguir se detallan:

<i>APELIDOS E NOME</i>	<i>PARENTESCO CO SOLICITANTE</i>	<i>DNI nº ou PASAPORTE</i>	<i>INGRESOS BRUTOS ANUAIS (En moeda do país)</i>	<i>En concepto de (soldo, xubilación, rendas...)</i>

TOTAL

RESUME:

INGRESOS TOTAIS ANUAIS (Brutos)	
--	----------------------

Sinatura:

Aclaración:

DNI ou pasaporte:

* Nota: os ingresos serán sempre brutos e en moeda do país de residencia.

ANEXO D

INFORME MÉDICO

DATOS DO FACULTATIVO

Don/Dona Centro asistencial ou entidade en que presta servizos: Nº de colexiado, matrícula ou similar

INFORMO:

Que Don/Dona DNI ou núm. pasaporte

Non padece enfermidade infecto-contaxiosa e é apto para participar, con normalidade, en actividades recreativas e deportivas, así como para realizar unha viaxe de longa duración.

O/A paciente debe seguir o seguinte tratamento:

Alerxias:

OBSERVACIÓNS:

DATA:

de de

CONSELLERÍA DE MEDIO AMBIENTE, TERRITORIO E INFRAESTRUTURAS

Orde do 2 de marzo de 2010 pola que se regula a concesión de subvencións aos concellos de Galicia para a redacción de instrumentos de planeamento urbanístico durante o ano 2010.

Por medio de sucesivas ordes desde a asunción de competencias en materia de urbanismo por parte da comunidade autónoma fóronse establecendo as bases reguladoras da concesión de subvencións aos concellos de Galicia para a redacción de instrumentos de planeamento urbanístico.

As razóns que motivaron a promulgación destas ordes continúan estando presentes na actualidade. Así, segue a ser necesaria a adaptación de boa parte

do planeamento urbanístico á Lei 9/2002, do 30 de decembro, de ordenación urbanística e protección do medio rural de Galicia, sucesivamente modificada pola Lei 15/2004, do 29 de decembro, de modificación da Lei 9/2002, pola Lei 6/2007, de medidas urxentes en materia de ordenación do territorio e do litoral de Galicia e pola Lei 6/2008, do 19 de xuño, de medidas urxentes en materia de vivenda e solo.

Por outra parte, os concellos interesados na adaptación do seu planeamento á normativa urbanística vixente seguen a ter notables dificultades para afrontar o esforzo orzamentario que implica o cumprimento desa finalidade.

De xeito similar ao establecido nas ordes anteriores, dúas son as notas que caracterizan as bases reguladoras da concesión das subvencións previstas nesta orde. Primeiramente, e no que atinxe ao seu ámbito de aplicación subxectivo, as subvencións para a redacción de